

**ივანე ჯავახიშვილის სახელობის თბილისის სახელმწიფო უნივერსიტეტის  
იურიდიული ფაკულტეტის**

**თანამედროვე კერძო სამართლის ინსტიტუტის**

**დ ე ბ უ ლ ე ბ ა**

**მუხლი 1. ზოგადი დებულებები**

1. „თანამედროვე კერძო სამართლის ინსტიტუტი“ (შემდგომში – ინსტიტუტი) არის ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის სამეცნიერო-კვლევითი სტრუქტურული ერთეული.
2. ინსტიტუტი თავის საქმიანობას წარმართავს დებულების მიხედვით, რომელსაც იღებს იურიდიული ფაკულტეტის საბჭო დეკანის წარდგინების საფუძველზე.
3. ინსტიტუტის საქმიანობის წესში ცვლილება-დამატების შეტანა შესაძლებელია ფაკულტეტის საბჭოს გადაწყვეტილებით. ცვლილება-დამატების პროექტს ფაკულტეტის საბჭოს წარუდგენს ინსტიტუტის ხელმძღვანელი (დირექტორი) ან ფაკულტეტის დეკანი ინსტიტუტის ხელმძღვანელის შუამდგომლობით.

**მუხლი 2. ინსტიტუტის მიზნები, საქმიანობის ძირითადი მიმართულებები**

1. ინსტიტუტის მიზნები და ამოცანებია:
  - ა. კერძოსამართლებრივი კვლევების განხორციელება, მათი შედეგების ინტეგრაცია სასწავლო პროცესში, იურიდიული ფაკულტეტის მნიშვნელობის წარმოჩენა როგორც ეროვნულ, ისე რეგიონალურ და საერთაშორისო დონეზე.
  - ბ. კერძო სამართლის უნიფიკაცია-ჰარმონიზაციის თანამედროვე ტენდენციების კვლევა.
  - გ. კონტინენტური და საერთო სამართლის ძირითადი ინსტიტუტების ურთიერთგავლენების შესწავლა.
  - დ. ქართული კერძო სამართლის ევროპული სამართლის სივრცეში გააზრება.
  - ე. სამოსამართლო სამართლის განვითარების ძირითადი ტენდენციებისა და კანონმდებლობაზე მისი გავლენის შესწავლა.
  - ვ. ადამიანის უფლებათა ევროპული სასამართლოს გადაწყვეტილებების ქართულ კერძო სამართალზე გავლენების შესწავლა.
  - ზ. კერძო სამართლის განვითარებაზე საკონსტიტუციო სასამართლოს პრეცედენტების მნიშვნელობის შესწავლა.
  - თ. კერძო სამართალზე ადამიანის ძირითადი უფლებების გავლენების შესწავლა.
  - ი. კერძო სამართალში შედარებითი კვლევების განხორციელება როგორც ისტორიული, ისე თანამედროვე სისტემების ფარგლებში.
  - კ. კერძო სამართლის მოდერნიზაციისა და ჰარმონიზაციის სამართლებრივი ინსტრუმენტების შესწავლა.
  - ლ. კერძო და საჯარო სამართლის ურთიერთგავლენების კვლევა.
  - მ. კერძო სამართლის მეთოდოლოგიური ანალიზი.
  - ნ. კანონპროექტებთან და მოქმედ კანონმდებლობასთან დაკავშირებით დასკვნებისა და წინადადებების მომზადება.
2. სამეცნიერო, სასწავლო-მეთოდური და სხვა მასალების მომზადება, გამოცემა და გავრცელება.
3. სამეცნიერო-კვლევითი უნარ-ჩვევების განვითარების მიზნით, ინსტიტუტის საქმიანობაში სტუდენტების ჩაბმა და მათ მიერ შექმნილი შრომების გამოცემისათვის ხელის შეწყობა.
4. ინსტიტუტის სახელით, მონაწილეობის მიღება რეგიონალურ და საერთაშორისო სამეცნიერო ღონისძიებებში.

- ს. სამეცნიერო-პრაქტიკული კონფერენციების, სემინარების (მრგვალი მაგიდის) და სხვა ღონისძიებების ორგანიზაცია და განხორციელება.
  - ტ. სამეცნიერო-მეთოდური სემინარების ჩატარება სტუდენტების, მეცნიერთანამშრომლებისა და პრაქტიკოსი იურისტებისათვის.
  - უ. სხვა საქმიანობის განხორციელება, რაც არ ეწინააღმდეგება უნივერსიტეტის წესდებით გათვალისწინებულ მიზნებს.
2. ამ მუხლის პირველი პუნქტით გათვალისწინებული მიზნების მისაღწევად ინსტიტუტი:
- ა. ახდენს კვალიფიციური კადრების კონცენტრირებას როგორც კვლევების განხორციელების, ისე კერძო სამართლის სხვადასხვა სფეროში ხარისხიანი განათლების უზრუნველსაყოფად;
  - ბ. ხელს უწყობს სამეცნიერო და საგანმანათლებლო პროცესის ორგანულ ერთიანობას.

### **მუხლი 3. ინსტიტუტის სტრუქტურა**

1. ინსტიტუტი შედგება ინსტიტუტის ხელმძღვანელის (დირექტორის), მისი წევრების, მდივნისა და დამხმარე პერსონალისაგან.
2. ინსტიტუტის შემადგენლობაში შედის „სამოსამართლო კერძო სამართლის კვლევითი ცენტრი“, რომლის მიზანია:
  - ა. სამოსამართლო სამართლის თანამედროვე ტენდენციების კვლევა;
  - ბ. ევროპული სასამართლო პრეცედენტების კვლევა;
  - გ. ქართული სასამართლო პრეცედენტების შესწავლა;
  - დ. სასამართლო პრეცედენტების პოზიტიურ სამართალზე გავლენის კვლევა.
3. ინსტიტუტის საქმიანობას ხელმძღვანელობს ინსტიტუტის დირექტორი ინსტიტუტის წევრებთან ერთად.
4. ინსტიტუტის სამეცნიერო საქმიანობას ხელმძღვანელობს ინსტიტუტის სამეცნიერო საბჭო.

### **მუხლი 4. ინსტიტუტის სამეცნიერო პერსონალი**

ინსტიტუტის სამეცნიერო პერსონალი იქმნება თსუ-ის იურიდიული ფაკულტეტის აკადემიური პერსონალისა და სხვა მეცნიერებისაგან, მათი სურვილის შესაბამისად. ინსტიტუტის მეცნიერთანამშრომლად შესაძლებელია მოწვეულ იქნეს შესაბამის დარგის მეცნიერი, რომელსაც თსუ-ში არ უკავია აკადემიური თანამდებობა.

### **მუხლი 5. ინსტიტუტის სამეცნიერო საბჭო**

1. ინსტიტუტის ხელმძღვანელი, „სამოსამართლო კერძო სამართლის კვლევის ცენტრისა“ და თსუ-ის იურიდიული ფაკულტეტის ის აკადემიური პერსონალი, რომელიც ინსტიტუტის სამეცნიერო პერსონალს წარმოადგენს, ქმნის ინსტიტუტის სამეცნიერო საბჭოს.
2. საჭიროების შემთხვევაში საბჭოს უფლება აქვს ხმათა უმრავლესობით საბჭოს წევრად აირჩიოს სხვა სამეცნიერო-საგანმანათლებლო დაწესებულებაში მომუშავე დოქტორის ან მასთან გათანაბრებული ხარისხის მქონე პირი.
3. ინსტიტუტის სამეცნიერო საბჭოს საქმიანობას წარმართავს ინსტიტუტის ხელმძღვანელი.
4. სამეცნიერო საბჭო განიხილავს და წყვეტს ინსტიტუტის სამეცნიერო მართვისა და განვითარების საკითხებს, კერძოდ:
  - ა. განიხილავს და განსაზღვავს ინსტიტუტის საქმიანობის ძირითად მიმართულებებს;
  - ბ. განიხილავს და ამტკიცებს სამეცნიერო-კვლევით სამუშაოთა გეგმებს;
  - გ. განსაზღვრავს სამეცნიერო-კვლევითი ცენტრის სამუშაო გეგმას;

- დ. განიხილავს ინსტიტუტის სტრუქტურის შეცვლის, აგრეთვე, საკვლევ სამუშაოთა ჩასატარებლად განსაზღვრული სახსრების მოძიების და გამოყენების საკითხებს;
  - ე. განიხილავს სხვა სამეცნიერო საწესებულებებთან და სხვადასხვა ორგანიზაციებთან თანამშრომლობის საკითხებს;
  - ვ. ისმენს და განიხილავს კვლევის ცენტრების ხელმძღვანელთა, ცალკეულ მეცნიერთა საქმიანობის ანგარიშებს;
  - ზ. განიხილავს ინსტიტუტის საერთაშორისო სამეცნიერო თანამშრომლობის ეფექტურობის საკითხებს, უცხო ქვეყნების სამეცნიერო დაწესებულებებთან ერთობლივი კვლევების შესრულების მიმდინარეობას, ისმენს და განიხილავს ინსტიტუტის თანამშრომელთა ანგარიშებს უცხოეთში სამეცნიერო მივლინების შესახებ;
  - თ. იღებს გადაწყვეტილებას სამეცნიერო შურნალის დაარსების (გაუქმების) შესახებ, შეარჩევს შურნალების სარედაქციო კოლეგიებს და პერიოდულად ისმენს მათი მუშაობის ანგარიშს;
  - ი. წარადგენს ღირსეულ მეცნიერთა შრომებს პრემიებისა და ჯილდოების მოსაპოვებლად.
  - კ. ადგენს კვლევის შედეგების სასწავლო პროცესში ინტეგრირების მიზანშეწონილობის საკითხებს.
  - ლ. გადაწყვეტილებას იღებს ინსტიტუტში პირის გაწვევრიანებასთან დაკავშირებით.
  - მ. უფლებამოსილია ყველა იმ საკითხზე, რომელიც ინსტიტუტის სამეცნიერო აქტივობასა და საქმიანობას შეეხება.
5. ინსტიტუტის სამეცნიერო საბჭოს სხდომებს წარმართავს ინსტიტუტის ხელმძღვანელი.
6. ინსტიტუტის სამეცნიერო საბჭო უფლებამოსილია, თუ მას ესწრება საბჭოს წევრთა უმრავლესობა. საბჭოს გადაწყვეტილება მიღებულად ითვლება, თუ მას ხმა მისცა სხდომაზე დამსწრე საბჭოს წევრთა ნახევარზე მეტმა. საბჭო საკითხს წყვეტს ღია კენჭისყრით, თუ საგანგებოდ არ დადგინდა ფარული კენჭისყრის აუცილებლობა. საბჭოს გადაწყვეტილება სავალდებულოა ინსტიტუტის ხელმძღვანელობისათვის.
7. სამეცნიერო საბჭოს სხდომის მიმდინარეობის თაობაზე დგება შესაბამისი ოქმი, რომელსაც ხელს აწერს სხდომის თავმჯდომარე და მდივანი.
8. სამეცნიერო საბჭო თავად განსაზღვრავს მდივნის კანდიდატურას ღია კენჭისყრით დამსწრეთა ხმების უბრალო უმრავლესობით.

## **მუხლი 6. ინსტიტუტის ხელმძღვანელი (დირექტორი)**

1. ინსტიტუტის ხელმძღვანელი:
- ა. ხელმძღვანელობას უწევს ინსტიტუტის საორგანიზაციო საქმიანობას; ინსტიტუტის სამეცნიერო საბჭოსთან ერთად დირექტორი ხელმძღვანელობას უწევს ასევე ინსტიტუტის სამეცნიერო საქმიანობას;
  - ბ. იურიდიული ფაკულტეტის საბჭოს დასამტკიცებლად წარუდგენს საბჭოს მიერ განსაზღვრულ ძირითად სამეცნიერო მიმართულებებს;
  - გ. ორგანიზებას უწევს სამეცნიერო პროექტების დაფინანსებას, მატერიალურ-ტექნიკურ უზრუნველყოფას;
  - დ. ხელს უწყობს ინსტიტუტის სამეცნიერო კონტაქტების განვითარებას საქართველოსა და უცხოეთის სამეცნიერო-საგანმანათლებლო დაწესებულებებთან და სხვა სახის ორგანიზაციებთან;
  - ე. უზრუნველყოფს სამეცნიერო კადრების მომზადებას და მეცნიერ-თანამშრომელთა კვალიფიკაციის ამაღლებას;
  - ვ. ორგანიზებას უწევს სამეცნიერო გამოკვლევათა გამოქვეყნებას;
  - ზ. ინსტიტუტის სამეცნიერო საბჭოსთან შეთანხმებით ადგენს ინსტიტუტის თანამშრომელთა საშტატო ნუსხას, რომელსაც იურიდიული ფაკულტეტის დეკანი წარუდგენს თსუ-ის ადმინისტრაციის ხელმძღვანელს;
  - თ. ინსტიტუტის სამეცნიერო საბჭოს განსახილველად და დასამტკიცებლად წარუდგენს კვლევითი ცენტრის/ცენტრების ხელმძღვანელთა კანდიდატურებს;

ი. წარმოადგენს ინსტიტუტს სხვადასხვა ორგანიზაციასა თუ დაწესებულებებში.

### **მუხლი 7. სამეცნიერო ცენტრის ხელმძღვანელი**

1. ხელმძღვანელობს ინსტიტუტის თემატური გეგმით გათვალისწინებულ პროექტს (პროექტებს).
2. ყოველი წლის ბოლოს ინსტიტუტის სამეცნიერო საბჭოს მოახსენებს გაწეული სამეცნიერო-კვლევითი სამუშაოების შედეგების შესახებ.

### **მუხლი 8. მეცნიერ-თანამშრომელი**

მონაწილეობას იღებს ინსტიტუტის გეგმით გათვალისწინებული პროექტის (პროექტების) შესრულებაში.

### **მუხლი 9. თანამდებობის დაკავების წესი**

1. ინსტიტუტის ხელმძღვანელს, ინსტიტუტის სამეცნიერო საბჭოს რეკომენდაციით და იურიდიული ფაკულტეტის დეკანის წარდგინების საფუძველზე თანამდებობაზე ნიშნავს და ათავისუფლებს თსუ ადმინისტრაციის ხელმძღვანელი. ინსტიტუტის ხელმძღვანელად შეიძლება გამწვებულ იქნეს თსუ იურიდიული ფაკულტეტის პროფესორი ან ასოცირებული პროფესორი, რომელიც არის სამეცნიერო კვლევითი ინსტიტუტის წევრი. დირექტორი ინიშნება 1 წლის ვადით.
2. ინსტიტუტის ხელმძღვანელის დანიშნიდან არა უგვიანეს 1 თვის ვადაში სამეცნიერო კვლევითი ცენტრის (ცენტრების) ხელმძღვანელების კანდიდატურებს თანამდებობებზე ნიშნავს ინსტიტუტის დირექტორი.
3. ინსტიტუტის ხელმძღვანელს, ისევე როგორც ინსტიტუტის სხვა პერსონალს შესაძლებელია მიეცეს ანაზღაურება. ანაზღაურების ოდენობა და პირობები განისაზღვრება თსუ-სთან დადებული ხელშეკრულებით.

### **მუხლი 10. მეცნიერ-თანამშრომლის უფლებები**

მეცნიერს უფლება აქვს:

- ა. დამოუკიდებლად განსაზღვროს სამეცნიერო კვლევის შინაარსი, მეთოდები და საშუალებები;
- ბ. მონაწილეობა მიიღოს დაფინანსების მოსაპოვებელ კონკურსებსა და სხვა ღონისძიებებში;
- გ. წარმართოს ნებისმიერი სახის საქმიანობა, რომელიც დაკავშირებული იქნება ინსტიტუტის მიერ დასახული ამოცანების შესრულებასთან.

### **მუხლი 11. ინსტიტუტის საქმიანობის შეწყვეტა**

1. ინსტიტუტის საქმიანობის შეწყვეტა შესაძლებელია ნებისმიერ დროს თსუ-ს იურიდიული ფაკულტეტის საბჭოს გადაწყვეტილებით.
2. ინსტიტუტის ლიკვიდაციის (საქმიანობის შეწყვეტის) შემდეგ მისი ქონება რჩება თსუ-ს.